

QUONIAM duae praecedentes figurae cordis ac pulmonis sunt abunde indicant, praesentem figuram (uti et subsequentes uniuersas) tanquam e thoracis cavitae euulsam delineauimus, ne si singulis figuris truncum corporis appinxissemus, negotium frustra operosius redderetur. Tertia itaque figura cor suo uestitum inuolucro continet una cum pulmone et septi transversae portione, cui in hominibus magna amplitudine cordis inuolucrum connascitur.

A. Hic uenae cauae portione sursum conscendentem et magnam arteriam praescidimus, tanta uasorum cordis asseruata portione, quanta cordis inuolucro obducitur, aut a qua id inuolucrum potius initium ducit. Vbi enim hic B asseripsi, illic inuolucrum pertinacissime cauae uenae et magnae arteriae et uenae arteriali adnascitur, ab illis uasis non secus quam a corde, toto illo inter C. uallo abscedens, quod a B ad C metitur. C enim cordis basis sedem regionem ue indicat.

D, E, F Cordis inuolucrum anterior sedes, cordis figuram nuci pineae non admodum ab similem referens. D enim et E basin notant, F uero mucronem.


G Ab F ad G sedes insignitur, qua cordis inuolucrum septo transverso in hominibus secus multo quam in canibus adnascitur. Caeterum uenulae hic in cordis inuolucro conspicuae, non cordis, at ipsius inuolucrum sunt, id namque in hominibus tam crassum ualidumque uisitur, ut cordis color per illud uix transpareat.

H Septi transversae pars.

I Septi transversae nerui.

L, M, N, O Pulmo, at singuli characteres singulas humani pulmonis insinuant fibras, lobos ue.

QUARTA SEXTI LIBRI FIGURA.



QUARTAE FIGURAE, EIVSDEMQUE CHARA-  
cterum Index.


HAE C figura cordis inuolucrum diuisum gerit, ipsumque cor et cordis uasa anteriori sede ab inuolucro dextimus, corde interim immoto.

A Sedes, qua cordis inuolucrum cordis uasis supra ipsius basin continuatur.

Cor.

- B, B Cordis inuolucrum ab anteriori cordis sede in latera reflexum.  
C, D, E Cordis anterior sedes, ac C quidem et D ipsius indicant basin, E uero mucronem.  
F Vena caua.  
G Arterialis uena.  
H Magna arteria. Venalis autem arteria nisi corde in dextrum latus (uti sexta ostendit figura) reflexo, nulla ex parte conspici potest.  
I Dextra cordis auricula.  
K Sinistra cordis auriculae apex.  
L, L Vene sunt ac arteriae a cordis basin cingentibus uasis pronatae, atque huc ex posteriori cordis sede, adeoque sinistro ipsius latere antorsum reductae.  
M, N, O, P Pulmonis indicantur fibrae lobae.  
Q Septi transversae pars.

QVINTA SEXTI LIBRI  
FIGURA.



QVINTAE FIGURAE, ET IPSIVS CHA-  
racterum Index.

PRÆSENS figura una cum pulmonibus cor exprimit, uerum ab ipsius inuolucro penitus liberum: ac in sinistrum latus in hoc reflexum, ut uenae cauae ad cordis basin continui-  
tas oculis subijceretur.

A Cordis dextrum latus, magna ipsius posterioris sedis regio.

B Dextra cordis auricula.

C Vena caua, qua in cor dehiscit, aut ab ipso pronascitur.

D Vene cauae portio, septum transversum permeans.

E Septi transversae pars.

F Vene cauae portio ingulum petens.

G Vene pari carentis initium.

H Arteriae magnae radix.

I Arteriae magnae truncus, qui deorsum ad spinam explicatur.

K Portio est nerui sinistri, sexti paris neruorum cerebri, a quo subsequens figura cordis neruulum de promi ostendit.

L, M, N, O Pulmonis notantur fibrae.

P Vasorum pulmonem aduentium hic aliqua series conspicitur.

SEXTA